

Cuengh Gun Song Saw Vah Dingj Benq Mbwn Siengjmuengh Hwnjdaeu

壮汉双语教学托起一片梦想的蓝天

——Vujmingz Yen Lozhih Cin Gauhyiz Minzcuz Doxgiet Siujyoz Cuengh Gun Song Saw Vah Sonhag Geiqsaed

□ bonjbauq gicej Liengz Haijsingh Cau Dwzfeih



▲ Aen laeuzsonhag hagdangz.

◀ Hagdangz lauxsae gaenx-maenx camgya gij gyauyenz gogaij gaep baihgwnz bumwnz banh haenx.



▲ Hagdangz ndaej 2013-2014 nienzdoh hag-dangz maenhndei.

Vujmingz Yen Lozhih Cin Gauhyiz Minzcuz Doxgiet Siujyoz youq bi 1931 laebbaenz, mingzgaueq dwg "GauhLi Yizcunh Gozminz Giekdaej Hagdangz". Cungguk moq laebbaenz le gaij baenz "Gauhyiz Siujyoz"; bi 1981 haiguh Cuengh Gun song saw vah sonhag saedniemh, dwg daengx yienh seiq aen Cuengh Gun song saw vah sonhag saedniemh hagdangz ndawde aen ndeu. Bi 2003 gaij mingz baenz "Gauhyiz Minzcuz Doxgiet Siujyoz". Hagdangz seizneix miz lauxsae 9 boux, ndawde siujyoz gaugaep lauxsae 3 boux, it gaep lauxsae 5 boux, ngeih gaep lauxsae boux ndeu. Miz 6 aen ban, hagseng miz 78 boux, hauejhag cingzsoq bingzyaenz daengz 100%. Ndae daengz gaep baihgwnz bumwnz gvansim caeuq hauejcoengh, hag-dangz sonhag sezbei mboujduenh ndaej dembouj caeuq vuenhmoq, seizneix miz dennauj, densi, DVD daengz sezbei nem bak lai mbaw ginghdenj gvanghdez. Lauxsae boux-boux rox yungh dennauj, baengh den' gyau swhyenz sonhag, mboujduenh ndaej ciepsouh gij saenqsik sonhag moq, gij sonhag, gyauyuz gohyenz suiyingz hagdangz ndaej caenh' itbouh daezsang.

Dingh banhhag leixniemh, bang dwkroengz giekdaej. Aen hagdangz neix aeu "aeu vunz guh goek, gohyoz guenjieix, cienzmienh hwnghat, hag rox bonjsaeh" guh banhhag leixniemh, cienzmienh hengzguh cing-saeqvaq guenjieix, haenqrengz doicaenh dangzgoq Sawcuengh ngeih loih vunqsik sonhag, guh ndei

dangzgoq sonhag vunqsik gaijgwz, gyagiengz hagseng gungbaenz gyauyuz, cienzmienh daezsang gyauyuz sonhag cizlieng.

Gaem hong sonhag, coi Cuengh Gun cungj rox. Hong sonhag dwg gij hong cungsim hagdangz, sonhag cizlieng dwg hong youqgaenj hagdangz. "Laebdin yaubwnj beizyin, gaem ndei yaubwnj gyauyenz, gyagiengz sonhag guenjieix, daezsang sonhag cizlieng" dwg gij yenzcwz guhhong aen hagdangz neix itcig giendingh ciuq guh haenx. Hagdangz genhciz aeu "aeu Cuengh guhcawj, Cuengh Gun giethab, aeu Cuengh coi Gun, Cuengh Gun cungj rox" guh sonhag muzbyauh, gyagiengz hag-dangz guenjieix, mboujduenh daez-sang gyauyuz sonhag cizlieng.

Hagdangz vih daezsang gyauyenz gyaugaij lijlnu siuhyangj, gya-gvangq lauxsae sonhag cihsizmienh, doihengz gij fuengfap "byaij okbae, cingj hauejdaeu", gyagiengz yezvu hagsib caeuq gingniemh doxyau. Hagdangz doengzseiz lij guh ndei gij hong cienjvaq boux hagseng cingzci mbouj ndei haenx, ciuq dajsuenq miz muzdiz, miz cimdoiqsingq dwk son hagseng, dem' ak gij saenqsim hagseng gaenx hagsib, gyaenz hozdung daengj fuengmienh neix, vatcimh gij naengzlig gyoengqde caengz fatok haenx, fatok daegdiemj gyoengqde. Hagdangz vih daezsang gij siengj-naemj suciz hagseng, swnjcienz Cunghvaz vwnzva caeuq conzdungj daudwz ndei nem gij vwnzva maenhndei minzcuz raeuz, banh le 《Cunghvaz Ginghdenj Doegsaw》、

Sawcuengh sijsaw doxdax daengj hozdung, bingz ok it, ngeih, sam daengj ciengj.

Lauxsae gaenx guh hong, aeundaej cingzci lailai. Geij bi neix daeu, aen hagdangz neix genhciz gvancez gij gyauyuz fuengcim, cwngecwz dangj, genhciz gyauyuz "sam aen mienhyiengq", laebdin Cuengh Gun song saw vah sonhag saedniemh, bi 2012 hagdangz ndaej bingz baenz senhcin cizdij; bi 2012 ndwen 9 Liu Gihaij lauxsae ndaej bingz baenz Lozhih Cin lauxsae maenhndei; Dwng Minj lauxsae ndaej bingz baenz Lozhih Cin banhcujyin maenhndei; Banh Suiveih ndaej bingz baenz Lozhih Cin sonhag lauxsouj; Liu Hungz doengzhag camgya bi 2012 Vujmingz Yen Vahcuengh yienjgangj doxdax ndaej ngeih-daengjciengj, camgya gij Bouxcuengh dungxcaiz doxdax youz yienh minzyijban banh haenx ndaej ngeih-daengjciengj.




▲ Ndaw hag lanzgiuzcangz.



▲ Gyoengq hagseng camgya doeg saw ginghdenj Cunghvaz ndaej ciengj.



▲ Gij "yauyin" "yaufungh" "leixniemh" hagdangz.



▲ Camgya eu fwen doxdax ndaej ciengj.